

野史

十八

第五十一卷 武將列傳
 東照公上

第五十二卷 武將列傳
 東照公中之上

| | | | |
|------|--------|------|------|
| 和書門類 | 一〇三五六號 | 二四函架 | 一〇〇冊 |
|------|--------|------|------|

| | |
|------|----------|
| 內閣文庫 | |
| 番號 | 和 10356 |
| 冊數 | 100 (18) |
| 函號 | 269 35 |

| | |
|--------|------|
| 內閣文庫 | 和書類 |
| 一〇三五六號 | 二四函架 |
| 一〇〇冊 | 二四函架 |



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





和共百
三三三九十二號

野史卷五十

武將列傳第一十七

東照公上



飯田忠彦
修
竹中邦香
校

東照公諱家康。姓源氏。贈太政大臣成烈公廣忠第
子也。御年譜、德川記、柳譜、略、松平物語、母贈從一位傳通太夫人。
水野忠政女。柳營、御年譜、以天文十一年十二月二
十六日。生於參河岡崎城。婦女傳、御年譜、土石川清
兼候。幕目。酒井正親爲篋刀役。國史編年集、成、武、小字竹

野史
卷五十

千代。實錄、君言行錄、臣甫生。端麗重瞳子。大德三川志引、容貌不凡。棹舟君長親悅曰。茲兒必有譽於天下。逸史、享祿天文間。德川氏蚤世數繼。氏族繁衍。動至爭嫡庶。長親指示曰。此兒我正嫡也。舉族一心奉護焉。實錄、天文十六年正月。庶族信孝竊通尾張。織田信秀援之。十月。率兵逼岡崎。十二月。廣忠乞援於今川義元。義元使人求任子。廣忠因送公質駿河。時甫六歲。後母妙琳夫人。戶田康光之女也。時以道路多梗。取途于康光邑田原。康光陰畔。欲取公奪之。質而予尾。乃具船艦。要之潮見坂。佯言。頃日多雨。陸路水溢。不可輒行焉。

今幸天霽風息。不如從海路之便。既發。轉柁達熱田。時從者僅二十八人。僉疑懼不知所爲。信秀亦出兵迎之。取拘之熱田大宮司家。使加藤順盛衛焉。德川編年集、時天野康景以童從。年甫十一。初上岸。囑其奴曰。耳目匪是。恐陷姦計。而疾歸報。今猶可脫走。如事已定。渠必物色。不可復舉動矣。果如其言。而事因得蚤聞焉。德川志、大信秀悉逐從者。僅留侍婢二人。及阿部正勝。天野三之助。僕一人。真順盛宅。編年集、時傳通夫人。再嫁久松俊勝。在那古耶。居去熱田一里。程遣家人善視之。實錄、岩淵夜話、信秀徙公於名古屋地萬松

寺天王坊。編年集成金田正房密謀勸宮復歸。國事頗漏。信秀怒。殺正房。梟之。大三川志十八年三月。廣忠薨。國無主。勢遂衰。公聞訃。哀慕如成人。感動左右。岡碕諸臣相議。欲與織田氏成。以迎公。而或憚今川氏。欲姑修舊好。特以謀迎之。義元聞喪。愕曰。織田氏乘弊取岡碕。參河地悉為其有。且彼擁遺孤以臨之。孰不服從。其為患深矣。乃遣朝比奈泰能等。率兵鎮岡碕。於是羣臣聽命。駿乃議曰。今安祥為敵。有。近接岡碕。不可不取。遂發兵攻之。織田信廣堅拒。本多忠高。神原藤兵衛死之。師敗績。編年集成逸史。十一月。義元以僧大

原為將。松井某等為隊長。大舉復攻安祥。織田信長亦發兵救之。大原設伏破之。信廣出城赴援。駿師三面夾擊。城兵敗走。追北斬首數百級。信廣逃入城。駿師遂奪門縱火。牙城僅存。環柵偏之。大原欲紓信廣死。以易公。使人請之。信長弗答。平手清秀。林通勝固諫。乃許成。駿師解安祥圍。與織田氏會于笠寺。信廣歸尾張。公歸岡碕。今按。編年集成。西野。換。居旬餘。義元徙公于駿。以其人為岡碕以下諸城居守。而公之戚族舊臣。皆奪其邑。以番直賤役。驅使之。或致之駿。以補偏裨。唯留松平重吉。鳥居忠吉。使管國事。悉收其



貢稅。誓曰必侍世子長。舉復其舊矣。於是群臣局脊。或退。畊于野。特特其要約。艱虞經歲。編年集義元館公子宮碕。給以穀一千斛。使久島正資護衛。親臣從者。酒井重忠。國史實錄、天元實高力清長。平岩親吉。天野康景。植村家政。阿部正勝。平岩善十郎。渥美太郎兵衛。阿部新四郎。

○今按逸史作從者長幼二十四人。○國史實錄。天元實記。並除清長家政。爲七人。○武德編年集。成作從者天野三之助。阿部正勝。神原忠政。渥美友勝。上田慶宗。平岩親吉。弟善十郎及僕。內藤與兵衛

也。義元強乞質。酒井正親。子清秀。石川清兼。子助四郎赴焉。高力清長。植村家政。石川彥二郎。及內記。阿部正吉。江原孫三郎。本橋金五郎等往。仕宮碕者。都一百餘人云。

僕與三兵衛。僕以下實錄從之。厠養一百許人。逸史既而供億不繼。上下困乏。烏居忠吉素富。陰給衣糧。衆僉賴之。實錄、編年集岡碕諸臣食邑。悉爲義元所收。無立錫之地。僅食俸米。免饑渴耳。衆或疑懼。公聞之而憫。賜印章於宿臣。皆感服。編年集二十三年。初著鎧。大志弘治二年正月。加元服。稱諱元信。字二郎。義元加冠。

關口氏廣。按大三川志、天元實記、並作關口親氏、編年譜、君臣為理髮。御年譜、土屋覺書、○編年、二月、與言行錄、臣為理髮。集成作吉良義安為理髮、二月、與源記、實錄、並義元為納氏廣女為夫人。中興源記、在作三年二月、義元為納氏廣女為夫人。岩淵夜話、在參羣臣。皆如駿府賀焉。或獻龍馬。號嵐而公獻之大將軍義輝。義輝大喜。手教書答之。酬以國光刀。編年、大志、公自幼從僧大原。受讀書史。大原者清見寺住持。義元諸父也。扶義元。視國事。頗有膽畧。善戰。公因是亦得粗涉兵書云。逸史、是冬義元謂公曰。歸岡碕。以視家事。對曰。自幼辭國。迄今皆賴卿之惠。唯命之從。然余年齒尚弱。願暫居第二郭。使前處守山田新左

衛門在牙城。以為觀國之翼矣。義元悅。謂諸老曰。思慮深厚。如老者之言。我酷感之。他日為氏真之翼矣。廣忠如存。其悅可察也。夜話、言行錄、○逸史、作公歸自駿。國人爭郊迎。初義元相約。俟公成長。悉復諸臣食邑。然今猶與以月俸而已。掠領郡邑租稅。為以已者。且以參諸臣為餌。屢侵略敵境。而親族諸臣。驍戰不顧殞命。僉期公復歸也。然義元猶寘山田新左衛門于牙城如故。未逮諸士傳領還附。於是士民憤惋。莫不欲與今川氏俱亡者矣。鳥居忠吉挽公視倉廩。曰。臣老矣。自知不可用。乃務置倉廩。設府庫。以備異

日之用。幸未填溝壑。今觀君復歸。何慶如之。執手流
淚。哽咽不已。公動容謝之。忠吉復指示積錢曰。臣所
蓄異于他。搦十緡作豎。積累如斯。莫敢毀濫。公善之。
他日又命如斯云。及公定侯位。國計軍須。無所匱缺。
得以展力拓業者。忠吉之功居多。實錄編年集成。時山田氏
猶在牙城。公居子城。上杉謙信聞之曰。德川氏甫歲
十五。用智如斯。後生可畏。實良將之器也。春日山尋
日記。詣大樹寺。薦蘋蘩於祖考。謝羣臣艱難。編年集成。是歲。築
寨於福釜。使酒井忠次。大久保忠勝等守之。織田信
長使柴田勝家。荒川賴季率兵二千攻之。忠次等胥

議出兵於郊外拒戰。忠勝進戰。勝家捻槍刺之。阿部
忠政前射勝家。勝家墜騎。大久保忠佐突其馬。勝家
脫走。衆奮戰。遂擊卻之。編年集成。三年春。公如駿府。
屢聞耆老談。欽仰祖風。二月。大三川志。更諱元康。自
稱藏人。御年譜德川
記中興源記。永祿元年正月。義元謂公曰。西
參諸城。多畔附尾。今卿既長。盍圖剗平。公大悅曰。固
所願也。大三川志
編年集成。二月。公至自駿。遂攻寺部。城守鈴
木重教出兵接戰。本多重次及重玄當先鋒。重玄死
之。松平重吉繼進。力戰被傷。其子重成死之。重吉及
松平親俊奮鬪。拔二三郭。重教終敗走。遂北斬首一

百餘級。石川清兼曰。當君初行陣。兩日報功。捷亦不
尠。夫戰勝而無驕。名將之誠也。乃焚郭而還。御年譜
大三年川
志。義元贈刀以賞焉。實錄
逸史又攻廣瀨城。在加
茂郡信長使
津田兵庫救之。大久保忠世與之戰。獲兵庫。尾兵敗。
進薄城。阿部正勝。松平清善等。謂衆曰。左右皆敵。未
可采入。乃退而陣。寺部。舉母。丹下。中島諸壘。果出兵
伺間。公乃還。又攻舉母。梅坪。伊保。共在加
茂郡與水野信
元戰于石瀨。在碧海郡
橫根邑內藤正成善射。多斃敵。時公
帶朱甲。指揮前隊。得利而還。信元見公英烈。感悅。御
年譜大
三
四月。公如駿。是冬。本多廣孝。石川清兼。天野

景隆。大三年
作景恒川志。等。如駿。請曰。寡君既長。復歸如約。則
納老臣質子於駿府。願止岡碕在番。及岡碕山中諸
邑。悉還附焉。義元依違弗果。編年集
成逸史
○國史實錄云。是歲正月。入岡碕城。○松平物語
云。天文十八年。公趣駿。松平內膳爲駿人。守岡碕
城十年所。公在外。宇津常善等胥議。迎公於駿。以
諭內膳。內膳應諾。迎入公於牙城。自居子城。而內
膳通一向徒。迄永祿三年三月。將襲岡碕。率兵出
軍于洲合川。大久保忠員伴與寇通。聞其謀。以告。
夾擊大破之。內膳戰死。與逸史所載異。且內膳名

野史
卷五十一
七

康信不詳其人。姑附以按考。

二年。山口某以中村城畔尾附駁。實錄、戰塲物語。大高杳掛

亦屬駁。義元遣鵜殿長持。實錄、作長昭。守大高城。或作杳懸。於

是義元議。大舉先出兵徇疆域。公亦從焉。信長令鷲

津守飯尾定宗。丸根守佐久間盛重。丹下守水野忠

廣。或作山守孝。善照寺守佐久間右京。中島守梶川重實

壓大高。丹下以下從武隱叢話。長持屢與戰而不決。叢話、古戰塲物語。

五月。大高糧竭。告急于駁。義元欲輸粟。以城斗入敵

境。而難其人。乃使公致輸。公忻然。率千餘騎。趣大高。敵皆前後棊布。不得輒入。宿臣更事者。皆危之。公曰。

第聽我處分。我且試之。信長親巡砦。公使鳥居信元

等數騎覘之。報曰。敵勢甚銳。意在邀戰。衆益懼之。杉

浦鎮貞獨曰。敵無有鬪志。衆詰之。答曰。敵脫欲戰。當

下山而陣。今望我旌。保于山上。是避戰也。不足懼矣。

公曰。善矣。我當出奇以制之。乃令洒井正親。石川數

正等率兵。深夜直馳。背大高。超鷲津丸根。以伐寺部。

寺部。或作梅津。逸史。編年集。成。並作伐鷲津。今從武隱叢話。戍兵遽起防禦。軍進

逼柵。縱火鼓譟。守者不意我侵軼。防禦甚窘。乃破柵

而退。又攻梅坪。入二三郭。亦縱火。火光曜天。鷲津丸根。及他敵砦。望火大愕。倉黃赴救。公麾下騎八百。

設奇正三隊。乃驅馱達大高。部伍修姪。弗可犯。而近
砦守者。以壁已空。皆傍觀不能技。拊前軍亦遣撤還。
乃收軍而報。御年譜、德川記、叢話義元聞之。嘆曰。龍種生龍也。
兵家傳以為法。實錄、逸史諸老問其計策。公笑曰。所謂先
奪其所愛。而分其兵者也。武邊、咄、聞書信長引去。又使公
徇西參。公遂次岡碕。復館于城。實錄、逸史三年三月。公發
兵伐寺部。舉母廣瀨。梅坪等諸寨。以所獲邑。頒賞將
士。御年譜、編年集成五月。義元大舉伐尾。次池鯉鮒。公時次
岡碕。以甲二千餘會之。御年譜、實錄十九日。以石川家成
為先鋒。進攻丸根山家。三方與平一族力戰。遂獲守

將佐久間盛重拔之。大三年川志、編年集成義元使公
伐長持。守大高城。而義元與信長戰。遂敗死于桶狹
間。師大潰。德川記、織田軍記、夜話公在大高。駭兵從役者。聞變
皆遁。或請退。公曰。軍中多訛言。未可輕去。會水野信
元使淺井道忠赴義元死。且曰。詰旦尾人必迫。宜乘
夜而去。公曰。野州我舅。然今黨尾。言難粹信。命擄道
忠入牙城。遣偵騎視之。還報曰。信也。營有鳥尸。皆東
首。衆爭勸還。公曰。暮夜昏黑。恐迷失道。當俟月而行。
敵能來。我亦能戰。不足懼焉。少頃雨霽。月出。乃整部
伍。以道忠為鄉導。徐引而退。人服其宏度。編年集成、逸史

御史 卷之十一 九

○岩淵夜話。盛正記。並云。聞信元言入牙城。聞山田新右衛門報而發大高。○天元實記。君臣言行錄。並云。虜信元使者入牙城。嚴備。是夜岡崎處守鳥居忠吉告變。三浦上野飯尾某亦告焉。而以道忠為鄉導。發大高。土寇杜路。道忠稱信元命。或擊卻之。入大樹寺。○中興源記云。聞信元報。遣小栗大六。淺井道忠於岡崎。得山田新右衛門報書而發。歸途土寇起。諭而還入岡崎。○今按。編年集成。山田新右衛門從義元死。然則謂得其報而發者。似有謬。猶當考。

初駿師之出也。義元益留其人。嚴守岡崎。公歸自師。次大樹寺。不敢入城。及凶問至。守者棄城遁去。公聞之。日。人遺而拾之。亦詎尤焉。遂入城。時五月二十三日也。

○大三川志。引增上寺所藏松平啓運記。大樹歸敬錄。參遠道中記。聞云。次大樹寺。時從者僅十八人。又大樹寺記錄。增上寺黑本尊緣記云。途經矢矧川上鹿瀨。二十日夜。入大樹寺。寺主登譽見公。屢說法語。授法謚。書厭離穢土。欣求淨土。文字於旗。身募緇素。固備。二十二日黎明。尾兵果來攻。公

及登譽與其徒捍禦尾兵退追擊克之。

公在外十四年而始得入時年十九親戚舊臣皆集

賀唱萬歲先時所部多服從婦女傳大因欲掃平境

內發兵先攻舉母梅坪又伐廣瀨與其守將三宅右

衛門大夫戰于拂楚坂破之轉侵尾攻沓懸織田信

昌出城拒戰擊卻之焚其郭而還尾兵追躡大久保

忠俊殿尾兵不能逼大三川志自公始即戎鳥居元

忠每從屢有功是役亦疾戰獲首級公將與之感狀

元忠辭而不受編年集桶狹間之役尾軍既克皆謂

參河當不戰而服以不為意及公屢出師信長不懼

使謂信元曰子之甥桀驚如此子當取以來信元不

能辭乃出兵六月十八日公要之石瀨十九日又戰

于十八町曠而交綏八月公復攻寺部舉母皆固守

不出轉攻山中醫王山寨久松俊勝先登寨兵槍刺

其肩俊勝揮刀斷秘直入縱火殺從進遂拔寨編年

川志今川氏真新立親暱小人荒淫亡度綱記始壞

畏公威武寢強欲圖之竊為之備二國始有釁公乃

出兵于東參畧其故地逸史羣臣或諫曰前有織田強

敵今若伐東面以今川為敵恐不可矣公曰氏真惟

弱不足怖吾取東參未服者欲割土以報功臣也編年

集乃築中山寨。使松平信一守之。攻長澤。烏屋根城。氏真令小原鎮吉援之。城主糟屋善兵衛亦出兵拒戰。來攻中山。信一善戰。擊卻之。進侵略烏屋根城下。城中窘迫。御年譜、大是歲。拔廣瀨。高橋城。獲守將三宅右衛門大夫。川志、大三年三月。水野信元出兵抄略。公與戰于石瀨。破之。御年譜、大板倉重定據中島不服。使松平好景攻之。重定退保岡碓。公親將代之。重定奔東參。御年譜、大德川記。先是氏真使吉良義昭守東條。牧成定守西尾。牧清成守牛窪。以備岡碓。公率兵伐東條。不克。以東條近中島。令好景當之而還。御年譜、編

四月。命築津平。小牧。糟塚。令松井忠次。本多廣孝。小笠原長是守之。以備東條。御年譜、本多氏書上。七月。公率兵三千攻牛窪。駿編將小原鎮吉。糟屋善兵衛。猶據烏屋根。或作長澤。使石川家成。松平信一攻之。城依山險。固壁不下。公至自牛窪。道經長澤。謂山下阻隘。敵脫出斷歸路。恐不能相救。乃分作二隊。一隊自本路。而麾下轉出山南。會城中失火。山下眾錯謂麾下襲城。縱火。乃馳上山。麾下見之。又爭而馳。信一家成皆謂公親來助之。遂自奮先登。渡邊守綱進與鎮吉戰。獲之。善兵衛脫走。城中驚皇。棄壁而遁。御年譜、大三川志。九月。吉良

御年譜、大
三川志
九月
吉良

義虎降。

○大三川志載。永祿四年二月。以荒川義廣爲先鋒。攻松平勘八郎於西鄉宇土城。先發伊賀細作。入城縱火。終陷之云。義廣蓋義虎之誤矣。如然則歸降時月乖異。猶當考。

酒井正親入荒川城。與義虎俱率兵攻西尾。守將牧成定棄城走牛窪。正親乃據西尾城。編年集成。又攻東條吉良。義昭降。公寘之於岡崎。使鳥居忠吉。松平信一守東條。以異母妹妻於義虎。行賞各有差。尋赦義昭。復之。編年集成。逸史。水野信元欲弭參尾兵。迺往說信長。信

長悅。令瀧川一益爲使者。見石川數正。行成。信元亦使人來請之。公召群臣議之。酒井忠次進曰。今以區區地。抗衡二國。實非全策。今川氏當仰瞻之日。唯酒色是耽。信纔喜佞。衆畔親攜。非長世之主。請許尾講和。數正及家成。正親等偕贊之曰。忠次言是也。公曰。駿今雖有小釁。其若舊好。何。僉曰。日者駿利君之幼。陽扶之。陰覆之。君之在駿十餘年。我租賦皆充其庾。我丁壯皆奔其命。死亡流離。慘不可言。桶狹間之役。使君當丸根。又留於大高。此以至艱處我也。成則彼收其利。敗則我受其害。殘賊之甚。神人俱怒。故天藉

手於尾。以斃之。由是則駿我宿讐。非舊好也。今加以嗣子闇弱。汰侈。是天實亡駿之秋。宜與尾和以圖之。但室家在駿。未可遽絕。當以謀取之已。駿重絕我。必不加害焉。公曰。善。乃許平。信長大悅。使一益及林通勝。會石川數正。高力清長于鳴海。以定封疆。歸其侵地廣瀨。舉母梅坪。丹下。寺部等田。悉撤守備。公請往盟。信長命修橋道。葺館舍。時夫人關口氏。世子信康並在駿。諸臣家室亦多爲質。酒井忠尚聞公將適尾。自上野入見曰。尾接境壤。實爲虎狼。可和不可往。今夫人世子皆在駿。尾胡信我。且捐質償好。衆必疑焉。

願熟圖之。公曰。約已定矣。不容中輟。卿亦寘孥于駿。幸以見與。忠尚艱然曰。臣豈爲百口地乎。拂衣而起。鳥居元忠。本多廣孝。平岩親吉侍側。皆曰。將監必反。請追斬之。公止之曰。將監之言。不爲無理。亦未必叛已。而忠尚移病不出。亦無反形。編年集成、大
三川志、逸史、
○中興源記云。永祿六年四月。宮說酒井將監。將監不可而退。公察其懷異圖。遽促兵。親騎追驅。將及。將監不得入已城。歷山路。犇駿。岩淵夜話。粗與之同。似有異。
事頗漏。氏真弗懌。使人讓曰。我與參通好。既有年。今

何故捨舊取新哉。若果然則質於我者悉殺戮。大舉而屠參。酒井正親應曰。我主復歸國者。義元之力也。何爲忘故哉。雖然信長在隣國。數交戈。士民俱罷。暫與彼平。統參而後援駿。以報舊誼也。氏真聞之不疑。實錄、紳書、○落穗集、天元實記、並作公親應之、答使是者云、○大三川志作氏真使人讓、在中會盟之後、是冬。公如尾。信長令林通勝管谷長賴。瀧川一益迎之於熱田。既抵清須。將入門。國人觀儀衛者。重沓謹謹。本多忠勝時歲十四。立馬前。把眉尖刀。叱曰。家康來矣。汝等奚無禮。衆雌伏。信長躬迎而入。植村家政執刀從。水野信元亦侍焉。公與信長盟。載書曰。尾宰天

下。參爲之輔。參制天下。尾爲之佐。有渝是盟。神明殛之。既盟饗之。公至自會。信長欽其英武。郊勞贈賄。禮意甚勤。又使通勝長賴來拜盟。大三川志、言行錄、○岩淵夜話云、與信長盟、行小牧、信元會之、似異、五年春。以西參悉復。更欲畧東參。三月。先是鵜殿長照爲駿守上鄉城。大三川志、實記、並作西郡、今從竹谷家傳、逸使松平清善攻之。不利。使松平伊忠久松俊勝。松井忠次助之。忠次窺隙急襲。遂拔之。長照走。伏兵於途。擒其二子。公命俊勝守上鄉城。御年譜、編年集、成、○國史實錄、作永年。氏真忿。將殺夫人世子。石川數正憂苦欲殉死。馳赴于駿。與關口氏廣密議。請氏真曰。使夫人世子

卷五十一

得歸岡碕。以長照二子酬焉。氏真許諾。編年集、實錄、數正乃送長照二子於駿。而奉夫人關口氏。世子信康而歸。信長聞之。以其女妻信康。而氏真悔之。遷怒殺氏廣。遂收諸臣士任子。盡殺之。極其慘酷。於是信長交益固。而駿怨愈深。編年集、實錄、數正頃間使酒井忠次攻入幡牛窪。敵迎戰于小坂井。師不利。公將次佐脇。而聞之赴救。敵退走。追擊斬獲多。大志、三志、川志四月。飯尾致實以引間城降。氏真遣人攻之。不克。大志、三志、川志、大成記○六月。攻牧成定於富永城。不拔。又伐小原鎮實。拔吉田城。大志、三志、川志七月。嵩山守將奧平或作貞澄背駿來送。

款。駿兵攻拔之。家忠日記、編年集成九月。公親將伐板倉重定于佐脇。以酒井忠次、松平親俊為前鋒。二連木、牛窪與佐脇合。迎戰于小坂井東岡。御年譜、編年集成、實錄、並前軍敗。忠次部下多死。分兩路而走。渡邊守綱。夏目正吉各殿。敵追甚急。二人單騎把槍。反擊數回。敵不能逼。公聞師敗。馳援。散兵復萃。公執矛親冒陣。遂破之。追亡獲重定及妻子主水。進拔佐脇。殘兵奔二連木牛窪。御家譜、實錄六年正月。公出陣于山中。攻牧成定于牛窪。成定憑酒井忠次。石川家成而降。初公以厭離穢土小旌為騎標。是時更乞成定金扇以

十六

代之。岩彌夜話實記二月遣松井忠次攻巖客寺皆拔之。編年
集史成。三月公親自畧地與駿悍將小原鎮實戰于小
坂井破之。御年譜是月攻一宮寨使本多信俊守之。
夜話中與源記五月出獵于深溝城主松平伊忠迎享之。大
川志逸。賜之鷹命治長澤。逸史九月公更諱元康為家康。
御年譜德川記。○言十月使菅沼定顯築佐碕。在碧海郡
行錄伯永祿五年。饑儲未備定顯巡邑徵發歲歉無所獲焉見邑中上
宮寺齋糧請之寺僧先是酒井忠尚或作忠賀僞命借糧不
償寺僧憤恚故今不聽卻罵辱定顯定顯怒即命役
夫盡數搬輸寺係一向宗親鸞之支派蔓延諸州愚

夫愚婦崇信最甚於是寺僧發怒與本國同宗鐵碕
勝鬘寺野寺本證寺土呂善秀寺僧議聚門徒十餘
人遂鼓譟攻菅沼氏劫掠罄室而去定顯愬之公令
酒井正親治其黨正親遣人督責其暴寺僧殺使者
正親受命檢斷而斬其首惡以徇之四寺僧益怒合
謀悉會門徒嘯集反側子舉兵而反各據寺作塹壘
人授一符署曰是舉為法除敵前死即登天堂卻生
終墜地獄其徒相傳扼腕煽動士大夫亦多其門徒
信其誑誘爭先往歸他或為親戚所招或欲因以釋
私憾遁者日夜相望酒井賴次足立右馬助鳥居信

元。及金五郎。高木廣正。芝山定吉。本多正信。神原清政。大原惟宗。近藤傳次郎。大橋義成。佐橋吉忠。吉之。石川正俊。太田作十郎。渡邊高綱。守綱。蜂屋貞次。寬正重。久世長宜。太田吉政。土屋重治。淺井喜三郎。平岩善十郎。成瀬新藏等數百人。舉族分屬四寺。石川家成。本多重次。柴田重次。寬重忠。其子重成等。棄累世宗門。而服事無貳。本多廣孝在土呂。獻質于於岡碕。石川家成而下、從編年集成、寇亦說吉良義昭請擁爲謀主。義昭乃以東條畔。吉良義虎以荒川應之。酒井忠尙以三上野。松平家次以櫻井。松平昌久以大艸。松平直勝

以佐碕。一時皆叛。各舉烽燧。首尾相應。事起倉猝。四境騷擾。公大愕。部分諸將。據城寨以禦之。高力清長據其邑高力。天野康景。本多重次援之。高力而下、從酒井正親據西尾。酒井忠次築砦壓上野。松平伊忠據深溝。松平清善以竹谷。松平家忠以形原。松平信一以藤井。松平親俊以福釜。小笠原重廣據寺部城。壓土呂。八面。大草。鉞碕等。小笠原康元據磯城。以下、從原家譜、大久保忠俊聚族于上和田。爲岡碕聲援。小栗重常。及吉忠據筒鉞。石川家成與公族攻上野。神原康政先登有功。酒井正親攻荒川。松平信一攻本

證寺。松井忠次攻東條。本多廣孝與勝鬘善秀寇戰。時賊勢猖獗。師未得志。公屢出赴救。寇望見。輒皆曳兵而趨。風夏。目正吉。大三川志作吉信從寇據野羽。松平伊忠攻擒正吉。乙部八兵衛憑伊忠。請免正吉。本多廣孝討東條。與寇戰。大破之。酒井忠次討本證寺。戶田忠次奪後門入。不能拔而還。德川記御年譜十一月。鐵碯寇攻上和田。忠俊率族。邀戰于小豆坂。阿部忠政善射。渡邊守綱。寬正重等皆傷。官親將援之。合擊破之。蜂谷貞次單騎退。水野忠重追而罵之。貞次揮戈反之。忠重畏勢卻退。貞次詬曰。固知汝非我敵。故不戰耳。

公親馳蹙之。貞次縮首而退。松平金助追尾。貞次顧曰。君威咫尺。我姑避之。汝胡足畏。遂刺殪之。公叱之。乃驚走。大三川志武林傳本多家傳寬正重射平岩親吉中耳。進將斬之。公又叱。親突之。愕走。公進。又突浪切孫七郎。後年公謂曰。往歲我突若於小豆坂二槍。其痕猶存矣。不。對曰。臣不當君。是他槍刺痕也。公憎焉。浪切以下從德川十二月。公親攻上宮寺。天野康景與矢田作十郎。馬場小平太戰破之。康景殪小平太。高力清長。本多重次與康景攻土呂。大三川志高力家傳閏月。本多廣孝。松井忠次攻東條。時信長伐美濃。兵連結。國事殆急。氏真

酣荒廢政。亦不能乘弊云。大三川志、逸史七年三月。公將討佐碕。既命置砦。寇焚作岡。大平出邑。撓之。會水野信元來賀正。公見烟起。辭信元。擐甲而出。信元從焉。公使上和田兵當佐碕。大三川志、實記、並作鐵碕。以大久保忠正爲鄉導。徑至小豆坂。無端與寇遇。近藤新一射公。中韁。公怒。親馳冒陣。師暨信元軍。爭擊卻寇。斬石川親綱。佐橋甚五郎等。御年譜、實記。十一日。寇分土呂鐵碕野寺兵。圍上和田。大久保忠俊率族接戰。忠勝忠世皆傷。寇爭進。公聞之。馳救。宇津正成。本多忠勝等。從者僅三十八人。中根利重前擊寇。與渡邊守綱遇而傷。鴨殿康定

死之。寇勢銳甚。師殆敗。公督戰。單騎馳之。時銃制既徧。兵士習熟。公屢中丸。不入。石川十郎左衛門執槍輅公。內藤正成射而殪之。又射渡邊高綱。高綱洞胸而死。土屋重治又殪。德川記、大志。重治嘗黨寇。方今見公危急。謂其徒曰。我爲宗門。雖與黨。不忍見君之危。故棄絕宗門。爲君死矣。乃殪。時歲二十三。紳書。日入交綏。公還解甲。則銃丸墜者二。御年譜、德川記。深津九八郎。青山長利竊告曰。賊徒未服。氏真如率。殺乘虛來襲。甚危矣。臣等潛入佐碕。縱火。烟若起。則請發大旂伐之。公諾。分作二隊。宵窺出候。二人入寺。或物色。寇認遂

殺之。及曉視其首。公察機收兵。川志。二月。酒井正親

會刈谷兵。與寇戰于櫻井野寺。破之。大志。公親擊

本證寺寇于西野。設伏破之。石川黨及根來十内等。

出窺。鍼碕寇。伏兵擊之。將敗。公親救焉。實錄。三。佐碕

寇以矢田作十郎為將。攻岡碕。公曰。作十。曉健善鬪。

寇恃以為重。彼負其勇。每戰必先殺。今日必取之。乃

令銃手曰。狙先者打之。及戰。作十果先進。中丸而死。

寇遂潰。御年譜。編是月。或作三月。公督兵。將入糧于西尾

城。乞援於刈谷。對野寺八面縱火。八面寇出遮路。公

發伏夾擊破之。大志。逸史。時寇屢挫衄。人人疑懼。相悔

讓曰。吾儕信妄言。抗兵君父。大逆之罪。無所逃焉。於

是殺心携貳。無復鬪志。或勸本多正信歸順。正信固

執弗從。蜂屋貞次。吉田太右衛門。因大久保氏。謝罪

請降。忠俊白之公。且曰。今天下糜沸。強吞弱。大併小。

而境內分裂。舊臣宿將。半為叛賊。四隣或伺虛乘間。

甚危叵測。不若因其有悔心。一切赦之。以固邦基。公

領之。貞次乃與眾議。要以三事。其一。將士降者。祿秩

復舊。其二。寺院僧侶。亦皆依舊。其三。魁首減死一等。

公聞之曰。佗皆如所請。唯魁首不可不誅。忠俊固諫

曰。賊之向背未可知。枉許其請。以安反側。實宗社長

策。客歲以來。臣族躬冒鋒鏑。死傷相尋。若錄微功。臣請以賞代之。彼蒙再生。使之爲先鋒。攻上野東條。以功自償。信元亦數爲請。公勉從之。德川記、大令、貞次率、鉞、碓、寇、會、于、上、和、田、以、盟、賜、書、悉、赦、之、使、家、成、率、降、入、貞、次、守、綱、等、如、土、呂、呼、寇、謂、曰、若、等、大、逆、罪、不、容、誅、但、以、水、野、氏、爲、若、懇、謝、哀、求、特、從、寬、典、降、者、一、切、赦、之、蔑、有、所、問、寇、皆、投、戈、拜、舞、佐、碓、野、寺、寇、相、尋、皆、降、乃、使、之、爲、先、鋒、攻、東、條、吉、良、義、昭、請、降、不、許、義、昭、犇、近、江、又、攻、荒、川、義、虎、犇、河、內、家、次、忠、尙、皆、降、家、次、者、信、定、孫、公、以、其、三、世、圖、不、軌、欲、誅、之、忠、俊、固

請而免之。家次尋卒。忠尙雖屢叛。亦宥之。逐卻。昌久直勝犇西海。逐、卻、以下、從、三、川、志、大、三、川、志、封內悉平。乃檢四寺及土人爲戎首者。或蔽猶不回。若本多正信。鳥居信元。渡邊秀綱等。皆滅死。逐之。御、年、譜、德、川、記、三、河、物、語、命破卻土呂善秀寺。長澤立信寺。家、忠、日、記、大、樹、寺、記、三月。公徇東參。築一宮。寨。使本多信俊守之。以備野田牛窪。御、年、譜、編、年、集、成、○、岩、淵、夜、話、中興源記作、下、築、一、四月。小笠原康元大、三、川、志、率其族長隆貞慶等。以幡豆來降。請伐吉田田原。以自効。公許之。乃築寨於船形山。斷駁通路。吉田田原爲之困蹙。氏真復修佐脇八幡寨。使三浦宗有守之。以

爲二處藩屏。公發兵攻入幡寨。牧成定自牛窪。戶田康重自二連木。併佐脇兵。出御油臺。據地利拒戰。不利。公親馳擊破之。牧成定及清成憑酒井忠次。石川數正送款。遂以牛窪降。編年集成、五月。中興源記作大三年。志、六月九月。氏真率師二萬次掛川。御年譜作牛窪。爲吉田田原聲援。分其兵圍一宮寨。附兵八千。落穗集、天元實記、並作兵二千。於武田信虎。以備後援。公使酒井忠次。石川數正。牧成定自牛窪。對佐脇壓氏真。親督兵二千而發。中興源記、三川雀、或諫曰。氏真雖懦弱。其臣堅剛。且聞其師三萬。比我殆十倍。又聞氏真分作二隊。使信虎禦我寨。彼計甚熟。今

入其術中。恐不可矣。請熟圖之。公曰。人以信義爲道。令人守城。當敵來攻危急。則不可不救也。然及其危。懼敵多殺。且軍機熟。殺爪牙。我所不忍。臣代君。君救臣。是乃道也。豈貪生失信義乎。夜話、武隱叢話、菅沼定盈。西鄉清員。歷加茂路。遍照山。與敵戰于勝山。破之。編年集成、公嚴整隊伍。進到一宮。直衝信虎。經木能原。擊氏真後隊而入城。中興源記、編年集成、飯尾致資在氏真陣。嘗送款。詐稱疾。是夜歸引間。追過白須賀荒井。縱火於驛舍而去。御年譜、明日。公親督兵。併信俊屬下。擊氏真軍。而入牛窪。源記、編年集成、

○天元實記載。公進到一宮。氏真見之。不能戰。解圍而退。信俊追擊之。公乃入城。氏真議以明日圍城。公喫湯漬飯。是夜還岡崎云。○三川雀云。歸途慮氏真追躡。自千兩邑橫過財賀。踰赤坂山路而還。

戶田重貞畔駿。以二連木來降。御年譜、編年集成公進攻吉田。本多忠勝先登。蜂屋貞次力戰。中銃而死。會日暮。城守小原鎮實收兵。公亦回師。實錄、編年集成使鵜殿康定兵守喜見寺。小笠原康元守福塚。或作塚戶田重貞兵守二連木口等三寨。以備吉田。御年譜、編年集成又攻御油。

拔之。攻寺部。守將鈴木重教及其子重儀棄壁而走。御年譜、大三川志武田信玄聞公英邁。疆土日啓。使人來通好。公喜許之。大三川志、逸史使本多廣孝築梶鄉寨。攻田原。守將朝比奈元智拒戰。乞和致城而去。編年集成六月。公以酒井忠次為先鋒。復攻吉田。伴盛隆入城。諭鎮實締和。屬駿遠於氏真。附參於公。遂代質子。鎮實致城而去。御年譜、實錄酒井忠尚叛心猶未熄。據上野城。與駿通謀亂。九月。使酒井忠次。本多廣孝攻之。神原清政。酒井重賴。高木廣正。森川氏俊。芝仙十兵衛等。嘗為之屬下。於是商議。皆來歸。忠尚不能守禦。遂

粹駿。御年譜、德川記、是歲。參河東西悉平。實錄、德川記、以
吉田城。賜酒井忠次。使內藤正成守上野城。大三川志、德川
記、八年三月。始置奉行。以高力清長。本多重次。天野
康景爲之。御年譜、實錄、大三川志、

○大三川志。引平均記。天野家譜云。永祿三年。頃
間使高力清長。天野康景。植村正勝三人爲奉行。
猶當考。

九年二月。賜朱印兩江馬。先是引間城主飯尾致實。
密送款于公。去年冬。氏眞召誅致實於駿府。致實家
人江馬安藝守。及加賀守猶嬰濱松。通志於公。故賜

其食邑。御年譜、十二月。詔叙從五位下。任參河守。御

諸德川記、十年五月。爲世子信康。結婚于織田氏。御
歷名土代、七月。信玄使山縣昌景來。曰。請併力滅駿。割

疆於大井川。以修隣好。公許之。御年譜、源記、十一年
正月。任左京大夫。御年譜、公三月。師畧遠江。公陣于

見附。使松平信一。神原康政爲先鋒。攻堀川城。拔之。
三志、久野宗能以久能。松下之綱以西塚。二股左衛

門以二股。淺原勘解由以高藪降。近郡望風歸者多。
大三川志、逸公伐宇津山。守將小原鎮實走。壁陷。御

史、或作四月、初鎮實埋地雷火於城中。迨前軍爭入。覆大雷

發。倅幸而不傷。御年譜十二月。信玄大舉入駿。氏真犇掛川。信玄次空總。德川實錄記。先是信玄使穴山梅雪送書於酒井忠次。日期已到矣。不可失。是月將入駿。卿亦遵約。宜收遠地。公應諾。遠州濱名引佐為要地。命忠次築寨於本坂。出巡察地勢。後藤覺藏。濱名賴廣等。嘗屬甲當是時。縱銃矢拒禦。忠次亦不敢戰。反騎以報。公恚。信玄反覆。報之於信長。信長勸公畧遠。固約援助。大三川志。公帥師畧遠。到入山瀨。又遣兵攻井伊谷。而拔其城。菅沼定盈努力善戰。御年譜又以降人菅沼忠久。近藤庸用。鈴木重吉為鄉導。經本坂。攻

刑部城下之。御年譜。大定盈及今泉延傳與有力焉。公賞以其舊邑在遠者。德川實錄。十八日。公次安間。在遠江。初飯尾致實或作敦實以引間通志於公。見殺于駿府。臨發誠家人江間安藝及加賀曰。我如駿有變。則以城致岡崎。謹勿遺焉。其妻固守。遺旨拒敵。乞救於公。而未達。以城降于駿。安藝加賀來乞降。賜食邑。於是安藝殺從父弟加賀。加賀家人小野田彦右衛門斬安藝。具狀來降。即日。公入引間城。御年譜。江間家傳。○逸史載。引間守飯尾致實。與其屬下有卻。相鬪而死。師進攻之。致實婦人禦戰力屈。及婢十七人

死。城陷。○德川記。作永祿十年。

甲裨將秋山晴近。率兵劫二股。次見附。取國人質子。公使奧平貞勝。管沼滿直等兵二千擊之。不克。晴近乘勝狙引間城。將畧遠。又與乾城主天野景實謀。拔飯田角輪。多多羅井。秋葉。光明山。鍵掛山等諸寨。下之。大三川志。高天神記。遣人招久野宗能。不聽。晴近進兵攻久能。參軍赴救。敗于見附。公忿。使謂晴近曰。我遵約圖河西。若胡擾之。卽不亟去。我且親出。晴近懼而引去。御年譜。德川記。公攻掛川。連塙壁。縱火逼之數日。守將朝比奈泰能固拒。接戰不決。公退。次見附。御年譜。平物語。松小笠

原長秀據馬伏塚。不屈。公親攻下之。川志。大三

關白藤原前久。大將軍足利義昭。奏請復德川氏。大三

川志。逸史。頃歲。洪水。矢矧橋墜。老臣或議曰。斯橋也長大。

架費鉅萬。且今戰國。不若無橋爲固矣。公曰。此橋奕

世記錄所載。萬邦皆識。而今厭費不架。令行旅徒勞。

非人君之道。設雖費鉅多。莫吝焉。岩淵夜話。言行錄。十二年

正月。詔報可。公復氏。因定以德川爲宗氏。松平爲

族氏。大三川志。逸史。公再攻掛川。次引間。嚴禁劫掠。撫循百

姓。使謂信玄曰。掛川孤立。可指日而定。前日割界之

約何如。荅曰。謹若約矣。逸史。十七日。公進軍天王山。縱

銃手薄掛川。城兵屢出。師多不利。御年譜、實錄、毀見附古城。更營溝壘。御年譜、二十日。氏真誘久野宗帶。逸史、國作、實錄、宗帶與一族議。勸宗能。宗能不聽。二十一日。或作二日、使本間長季來告。且乞救。公使松平忠正。植村家政等守金丸山寨。遣神原康政。援宗能。令殺其族宗政。宗益。宗帶。康政特殺宗益。追卻宗政。宗帶。是夜。氏真發掛川。襲天王山。公命設三伏於城外。夾擊破之。松井忠次。兵。及大久保忠佐。水野忠重等力戰。迄次日黎明。獲將校五人。師遂薄城。朝比奈泰能據羅郭堅拒。不得入。大三川志、道牛事歷、二月。公命使國人守河

田邑。作手。長篠。山家。三方兵守笠町。久野宗能守久能。小笠原長忠守曾我山寨。御年譜、退次見附。拔氣賀角輪二寨。定濱名都築。大三川志、逸史、三月。師復攻掛川。戰于四宿及天王山徑。大破之。獲甲首三十六級。追亡傅城。環竹盾逼之。泰能發舟師。自懸塚津。出我軍後。大須賀康高。神原康政。鳥居元忠。邀擊走之。公退次引間。會氣賀土寇起。聚黨一千餘。據堀川寨。將斷歸路。公聞之。議納渡邊高所議。或作公、未之知、僅與十七騎馳過。賊亦不知。既而公軍于平松碕。蒞潮澗。遣兵討之。賊乞哀免。乃梟其渠酋于氣賀。餘悉赦之。御年譜、德川記、

四月大澤基胤通氏真。嬰堀江城。遣鈴木重吉。菅沼忠久。近藤康用。攻之。踰月。基胤乞降。賜采地如故。御年譜大澤家四月。或作三月。掛川力屈。氏真欲奔相摸。使人先通意北條氏。康許之。乃今朝比奈泰勝。因石川家成。酒井正親。行成。奧平貞能。亦爲請之。公許之。且曰。武田氏者。有併吞駿遠之志。今以遠州見與。當與北條氏合兵伐駿。以圖復歸。氏真使小倉資久請盟。公乃交載書。德川記。五月六日。氏直携孥奔相。公遣松平家忠。護送之。戶倉。御年譜。松平氏直。老葛山左衛門佐。先守橫須賀城。聞氏真走而去。遠江遂平。松平物語。公進抵

掛川。予之石川家成。撫綏新附。御年譜。又聞甲兵狙掛川。令松平清宗加衛之。分兵守新坂鹽井原。逸史。官巡視遠江。抵榛原郡。兵匿數百。甲裨將山縣昌景將步騎三千。自駿到金谷。途與公遇。昌景下拜而過。而少禮答。且睹兵寡。欲以徼奇功。反騎掩之。麾下走就要地。奮擊卻之。公怒與武田氏絕。遂發兵攻駿府。昌景棄壁而遁。御年譜。信玄聞之曰。前有北條。後有德川。進退甚危。非可泄泄。乃還國。大志。公遣氏真臣小倉資久於北條氏陣。議納氏真於駿。氏康領之。乃遣人城于駿府。實錄家忠日記。六月。天方飯田拒命。公將兵攻

天方。康政。康忠。大久保等。先登下之。天方通綱降。或作
山内山城。今又伐飯田取之。山田大和死之。御年譜、
從大三川志。進師入駿府。迎氏真于相。實錄、十一月。信玄攻蒲原
陷之。逸史、又攻駿府。岡部正綱降之。安部元真逃走。大
志、信玄分兵據小山。公率師攻之。松平真乘力戰。遂
下之。大三川志。逸史、公欲徙于引間城。地惡。乃徹之。改築其
西南。大開記。逸史、

野史卷五十一終

野史卷五十二

飯田忠彦 修
男 文彦 訓點
竹中邦香 校

武將列傳第一十六

東照公中之上

元龜元年正月。東照公徙治於引間。改曰濱松城。御年譜、
譜、德川記。使世子信康居岡崎。御年譜、逸史、○大二月。信
長將代朝倉義景。使人來乞師。公使酒井忠次。本多
信俊如美濃。請師期。御年譜、

○國史實錄載。公如岐阜。信長稱平參之勞。偕入

野史卷五十二

朝三月。公還城。命諸將曰。信長將有事於越。我赴援師。乃促參遠二州兵云。

三月。信長潛師先入京師。公帥師一萬繼之。聲言觀京畿。御年譜、大四月十四日。大將軍義昭享信長暨公于二條新殿。公卿及畿甸侯伯會同焉。大三川志、逸史、二十日。治兵于熊川。遂赴越前。信長自近江。公自若狹。二十五日。會信長于敦賀。二十七日。合師圍手筒山城。取之。獲首一千三百七十級。進攻金碓城。朝倉景恒降。淺井長政聞信長深入越地。截其歸路。義景亦出兵綴之。信長邀公問謀。公曰。亡何也。備州雖勇。而

見事晚矣。公請過入京。歸路必未及梗塞。若駐勇將一人乎。某助之爲後拒。保其無他。信長大喜。與逞兵三千於羽柴秀吉留之。自乘夜趨京師。二十九日。公與秀吉合甲殿。越兵追尾。公親揮戈。命發銃擊卻之。退抵朽木。丹羽長秀。明智光秀在若狹。路塞不能還。公分兵援之。亦得達朽木。時寇賊充斥。且鬪且行。晦入京。信長大悅。乃謀伐湖北。戒師期。御年譜、大五月。公至自京師。御年譜、實錄、信長復使毛利秀高來乞師。大志。六月二十六日。或作二十四日。公將步騎五千。或作三千。會信長于龍鼻。二十七日。信長分兵作十三隊。殊使丹羽

長秀當橫山。公謂信長曰。願當一面矣。唯任公意。信長喜曰。請當江人。公曰。凡軍陣得勝者。多在二陣。池田信輝曰。何以讓二陣矣乎。公曰。然。酒井忠次在側曰。贏輸在明日也。凡軍以下。從一言集。信長部將或謂。使德川殿當一陣。無其謂。以告信長。信長曰。汝輩非所知。乃謂公曰。公兵寡矣。我且加之。令誰乎可矣哉。公指稻葉長通。乃使長通從焉。因貽公以一槍曰。是爲入郎爲朝箭鏃。公源氏裔胄。旦日之事。其以此槍揮衆。用樹殊勲矣。公作四軍。酒井忠次爲先驅。岩淵夜話作小笠原長忠。石川數正爲申驅。夜話作酒井忠次。本多忠勝。○實錄作榊原康政。公督中

軍。長通率後勁。質明。江兵軍于野村。越兵軍于大路。村上三田。於是信長又使人來請曰。長政爲深讐。我親當之。請公擊越人。公對曰。唯命是從。忠次諫曰。處分已定。今而移陣。衆心必動。公曰。江寡越衆。舍弱趨強。我武多矣。遂引兵而西。夾姊川而陣。越騎百餘先濟。本多忠勝擊卻之。越軍數十騎臨師下。大寄山。酒井忠次謂信長曰。地理不善。當左旋而適田間小徑。信長恐。馳騎來曰。敵左前。汝何棄之。經小徑乎。忠次士石原寸度兵衛曰。先鋒者家康。其先鋒乃忠次。忠次先鋒乃我也。請任我處分。乃進。臨師以下。從大。三川志。感狀記。越

三十二

軍亦濟。小笠原長忠。大須賀康高等戰。數正等承
之力戰。越軍或射酒井忠次。貫左腕。縫鞍橋。忠次命
卒拔矢。反射斃敵。越軍益進。江軍見越師。競亦濟。織
田氏前軍殲焉。池田信輝。羽柴秀吉。迭進皆北。江軍
直衝信長中軍。越軍亦逼麾下。公忿。舞八郎槍帥士。
顧康政廣孝曰。盍以偏師衝擊。二人涉澤而馳。與麾
下犄角。士皆殊死戰。叫聲動地。越軍敗績。乘勝追北。
抵田川虎御前。斬俘甚多。江軍勢沮。長通乃以後勁
橫擊之。公亦轉旆。沿姊川而進。與濃師萃於江師。江師
遂敗績。追擊至大碓而還。信長會諸將曰。此役微德

川殿。豈汝勝於越耶。見公曰。今日之功。前後所未可
聞見。有誰爭雄。當家綱紀。武門棟梁也。贈遺甚厚。御年
譜、信長記、
四戰記聞、
○大三川志云。信長贈書謝曰。江北拔萃之功。雖
十高祖。百張良。不可同日而語。前代無倫。後世孰
爭雄哉。實爲當家之綱紀。武門之棟梁也。○水野
左近覺書云。信長單騎來見曰。今日之捷。偏因公
之力也。公嘗英武。今眼前見之。寔可愛也。屬下士
夫。皆薄膏藥。貼敵而不知離。
公至自師。東諸侯聞此役也。皆深服公壯武。推爲海

道第一。逸史公遣加納房光幡。秋葉權現堂主及熊谷直包於越後。與上杉謙信通好。其老村上國清。河田長親與植村家政。松平直乘。石川家成。往復書信。蓋寄公。氏真价之也。武邊咄聞書八月二十一日。大風拔屋。敗稼。遠參尤甚。公使三奉行巡視。賙卹有差。百姓忘舊。大三川志九月。義景長政率師三萬發陣。佐佐木承禎起兵於野洲郡。信長復遣人來乞師。公使石川家成。酒井忠次。本多廣孝騎兵三千赴焉。又令松平信一家忠等兵一千發。到志賀陣。御年譜大十月。與承禎兵戰于勢多草津之間。承禎遂降。信長。信一及本多

信俊。擊越兵于堅田。破之。大三川志二年正月。公叙從五位上。尋任侍從。御年譜二月。信玄帥師來寇。三月。攻高天神。小笠原長忠固守。信玄轉師寇西參。劫畧足助。田代。入宗。野田等砦。會駿河海盜數百。來刺掛塚。本多忠勝。大河內政綱擊平之。甲裨將秋山晴近寇東參。德川志大四月。境內羣不逞。應甲作亂。翁來襲岡崎。公遣青山義門。阿知和玄鐵等。擊平之。不克。義門死之。公次吉田。信玄以山縣昌景為先鋒。來。戶田一西。大津時隆。三宅正次等。與昌景同心。廣瀨景房。三科形幸戰不決。交綏。甲兵猶將戰。信玄曰。



難敵也。勇士莫浪擊。乃回兵不敢逼。頓兵閱月而罷。
編年集成五月。信玄率兵寇東參。公邀戰于一宮。大
志七月。甲兵亦來寇。實錄信長使人來曰。頃聞甲人不
恭。貴邦多警。疇昔旗鼓西上之勤。余未嘗忘焉。屬外
事之未間。不得以徹賦從焉。齊盟之故。敢謝不敏。因
使私曰。濱松當甲之衝。宜徙岡崎。以避其銳。公謝遣
之。笑謂左右曰。織田氏何言。我而捐濱松。當折刀不
復立武己。甲不足懼。實錄三川志。九月。遣加納房及直包
於越。送盟曰。啐啄本懷也。絕甲不可貳。勸信長令講
和云。投書河田長親。水月鑑十二月。公聞將有甲師。勒

兵次吉田。信玄來寇二連木。本多忠勝。大河內政綱
夜斫甲營。明日信玄逼吉田。知有備而罷。大三川志。
三年正月。御年譜大三川志。公出兵於金谷。大井川邊。
巡視而還。信玄使人來詰曰。胡爲背約踰水。而窺我
提封矣哉。公曰。彼先我違約。來侵參遠之地。何讓之
愁矣。信玄又聞公與越通信也。始不自安。御年譜十
月。信玄大舉來寇。以天野景實爲先鋒。拔多多羅。飯
田。而攻久能。久野宗能固備不屈。分次袋井見附。公
聞之。親率兵三千。出軍于瓶川一言坂。本多忠勝。內
藤信成進曰。甲師大敵。且其機嵩。強戰則取。敗必矣。

不如收軍乞援于信長。而後以當之。公曰。善。命收軍。信成前將收兵。甲兵追附。不得揚兵。忠勝赴救兵。甲兵追躡。大久保忠佐。忠正。忠綱。及都築藤一等殿。且戰且退。到一言坂。甲兵不得進而止。實錄三方原戰御合戰記信玄使其子勝賴。姪信豐。穴山信君攻二股城。中根正照。松平康安。青木貞治固守不撓。甲徧將馬場信春以兵四千備濱松。公親將救二股。率步騎八千。抵笠掛山。甲陣嚴整。信玄發兵襲後。拒師引退。甲兵結筏於天龍川。斷二股汲道。二股遂陷。大成記大川志於是東鄙多畔應信玄。武藤刑部亦通甲。以事任社爲壘。社

人鈴木豐前來愬。而縱火燔社境以攘敵。迄天正乙亥年二月。再造事任社以謝火。社人以下從惟菅沼定盈固守野田。信玄使昌景晴近侵掠遠郡邑。宿臣聞信玄大舉來伐。請求援于信長。公弗聽。忠世。忠次。康高等固諫。因遣使乞師於信長。御年譜四十一月戰記聞信長使佐久間信盛。瀧川一益。平手汎秀騎兵八千來援。且誡曰。信玄善用兵。若來挑戰。請固壁勿出。公從之。閱月相持。御年譜織田家譜十二月。甲師三萬五千。次三方原。燔濱松郭。挑戰。公怒欲出。信盛控袂止之曰。甲師未可敵矣。寡君有命。請俯就之。公曰。歸甲師入

相。摩其城門。而相人不出。迄今爲嗤。今敵蹂躪城下。一矢不加。非夫也。我即不出。當圓頂方袍已。鞏固爭而止。碎玉話、逸史二十二日。天寒雪降。公與濃師遂出師。凡八千。分作九隊陣于大野。

○大三川志引四戰記聞云。信玄歷濱松北大菩薩。將到刑部。昌景與勝賴殿。濱松士五人十人。追次出。投石礮。迭相挑。殆及千餘。敵縱銃手。終接戰。鳥居信元或作忠廣監軍。使視師。報曰。兵盛陣整。不可當矣。不若收兵。俟敵退上杭田坂半。追擊之。則有得利矣。公叱之曰。女往勇而今怯。信元曰。勇怯臣所不知。

輸贏君所不辨。公使渡邊守綱碎玉話作藏往。亦報曰。

信元言是也。猶弗聽。大久保忠佐碎玉話作忠世柴田康忠

請復往。守綱止之。弗從而馳。守綱追至。時已晡時。公

進隊。忠佐、康忠等大三川志作松平家忠忠正已與甲左隊小山

田昌行交鋒接戰。卻二三町。馬場信春亦來擊。酒井

忠次。石川數正。本多忠勝進擊昌行。信春分合往來。

奮鬪移刻。信元從數正先登。與土屋昌次格鬪而死。

公謂忠次曰。我師微矣。當大兵。隊列不敵。我縱麾下

突昌景。忠次諫止。弗聽。直發。康政從擊昌景隊。諸部

相列而前。昌景昌行等戰卻。師亂。次追擊。勝賴。信豐。

信君等以奇兵橫擊。師崩退。數正反戰。復卻之。昌行整衆更進。忠次康政及忠世逆之。勝賴及信春昌景等合兵左右衝擊。信玄鼓衆。兵勢甚銳。日既夕。寒風侵膚。蜚雪撲面。師大敗績。陷犀崖。死傷亡算。三川按。大引味方原手鑑云。陷犀崖。死傷者。公赫怒。以麾下反。追尾兵。而宮退軍之時。非是時也。擊數回。兵疲不支。將校力戰死者三百餘人。濃師與甲兵戰。遂潰。平手汎秀死之。甲軍乃萃於師麾下。旗奉行安藤基能死之。公且戰且退。本多正重反擊者七。被數創。本多忠真殿而死。內藤信成代之疾戰。其屬皆歿。中根正照。青木貞治。耻先退二股。從而死。甲

兵益薄如蝟毛。日已沒。前途冥蒙。甲士城景茂與弟玉虫繁茂追至。咫尺。公因暗蒙。不長驅而去。甲軍亂次追逼。公度不脫。反騎。左右馬斃。多步從。夏目正吉或作吉房。今在濱松。聞急馳至。執轡諫。挽回公馬首。從四戰。記聞。以槍鑽擲馬。馬奔飛。正吉與其屬及部下二十餘人。健闘皆死。

○三方原御合戰記云。公馬罷。不得步。正吉下騎奉我馬。阻撓敵。自斫七人而戰死。

康政不得入濱松。經高林。中澤中間。馬籠橋。逃東濱。與敵遇。奮闘而退。忠次退于中澤山尾崎。將入玄默。

口。敵追急殆危。鳥居元忠出玄默口。與渡邊黨右之
而入。公將入那俱梨口。而不得。歷松原東。經樵路。欲
入玄默口。敵已薄城。銃矢聲轟。從天林寺中。歷田畔。
入八幡社。迨夜自早馬潛下垂口。數正附忠次後。爲
殿將入玄默口。敵以爲公也。縱軍追尾。數正奮戰。遂
入明光寺門。公自下垂口。入不明門。康政不得以下
戰記。城中聞敗驚擾。高木廣正御合戰記作獲一髡首
而還。公命貫之鋒尖。驅驅呼曰。獲信玄矣。衆頗定。鳥
居元忠請闕門。公曰。門已闕。則敗卒安歸。且戰敗示
弱。敵必爭登。命大啓四門。設燎。遂入呼殮。食畢而臥。

鼻息如雷。甲軍來逼城。見門闕將入。馬場信春日。敵
新敗。而啓門自如。恐有伏。乃止。元忠守綱。秀綱等率
兵百餘人。出門接戰。敗兵還者。自後鼓譟。甲師乃退
而舍。德川記。大三川志。味方原手鑑。是日之戰。甲部將馬場信春謂
信玄曰。參士卒。對我斃者俯伏。在彼者仰倒。是皆戰
死。而非逋亡者也。可惜五年前。與德川氏結婚不成。
迨今上杉德川在前後。遮支我武。遺憾矣哉。大三川志。大久保忠世曰。如斯大敗。屈而不振。則爲敵益所
陵辱。請縱銃手夜襲。彼若驚騷。則就擊之。公許可。忠
世及康景近藤秀用率銃手。是夜五更。潛往發銃於

敵陣而回。信玄曰。雖戰有利。勁敵叵侮。乃引兵而去。

大三川志
言行錄

○按碎玉話云。信玄命燬那俱利普濟寺。黎明視首虜。公命曰。昨戰我兵多死。衆且罷。而敵未去。我如不出。則後機必挫。急下命視兵於三方原。甲褊將穴山信行向那俱里。大久保忠世先發銃手。將接戰。時積雪蕩解。泥路沮洳。寒威裂甲。命收兵。甲軍亦去。○大三川志載。二十三日昧爽。渡邊守綱等襲穴山梅雲於名栗陣。○三方原御合戰記云。公殄畢。令縱銃劫敵。而召酒井忠次謂曰。敵乘機

則誇張。他日難制矣。我欲督士夜擊。信玄老兵。彼亦有備矣。汝所思奈何。答曰。臣有一計。請試焉。公入就寢。忠次馳至中澤普濟寺。謂主僧曰。今日之戰失利。明日敵必來圍矣。然則國人困苦。勢亦危。願和尚救此危難。僧曰。貪道嘗受君厚誼。棄軀救厄是我分。何厭之有。曰。如然則以寺見與我主公。謀如成則復舊以酬焉。僧問其計。忠次曰。我欲刻期火寺。以誑敵伏兵。掩擊挫合圍之勢耳。僧拍掌稱歎。相約而歸。以告。公乃召侍女。侍女名辨。先是獲罪於清池夫人。脫來潛居後房。謂曰。汝先爲築

山夫人號將見殺。余憫之。以迄今日。今余當大厄。實衆所見。汝若懷恩。則爲築山使者。赴敵陣乎否。答曰。嘗以死奉君。今投妾身以救衆。固所願也。公爲濺淚曰。汝入敵陣。稱築山殿使者爲言。今日之戰。家康運命竭廢。亡可立而待。嘗如所願。立三郎。保有國家。故今燔城。以爲應矣。火如發。則請來乘壁取之。以令烏居某爲副。而遣辨。辨亦有婢名勾者。亦從而往。入甲禰將今福丹後陣。以狀告丹後。乃達中軍。信玄召辨。問使命。且城中巨細事。聞諸部。或勇或疑。會火起。濱松。信玄猶疑。嚴戒麾下。莫

搖。火益熾。烟勢異常。炎烟覆空。甲諸部發兵。到那俱利口。忠次謀期。命輕卒。裁松隍。穿藉草於犀磯。作新路。恰如平地。路傍西面。遣農夫。揭僞旗。備銃於後郭。而縱火於普濟寺。今福兵士爭先而進。自陷犀磯。洞刀劍。死傷者無算。時臘月二十二夜。月未昇。後隊沮。前部墜崖者多。城中縱銃發喊。西面擬兵亦合喊聲。甲兵辟易。丹後傳呼曰。是必敵之詭計。火勢亦非實燬城。遣收兵。以報中軍引去。信玄屯刑部。急傳令整隊伍。未幾天明。信玄使高坂昌宣爲殿。次刑部。以越年云。

天正元年正月。信玄攻野田城。拔羅郭。斷水路。菅沼定盈告急。公親率師赴救。抵笠頭山。甲師不可犯。退頓吉田。乞師於信長。信長依違不果。御年譜、大信玄三川志遂拔野田。擒定盈及松平忠正。御年譜、實錄二月。將士與甲士會于長篠。廣瀨河中洲。以與平貞勝。及菅沼貞吉。定忠。正貞等。質換定盈。忠正。御年譜、實錄木寺宮。未詳其名往年淪落。潛匿遠江入野。與公通和好有年。頃間應信玄而作亂。本多重次遣兵攻之。木寺官率其屬走京師。大川志先是三方原役。諸邑多畔應信玄。信玄乃簡其人及新附諸豪。守天方。二股。六竺。角輪。一宮。駄

峰。足助。宮崎等諸城。以逼濱松。又使山縣昌景攻吉田城。適信玄有疾。而退次平谷。公曰。臥榻豈容他人哉。三月。令世子信康攻宮崎。駄峰。足助。平岩親吉攻天方。守將久野宗政走甲。石川家成。久野宗能攻角輪。酒井忠次攻鳳來寺。皆陷之。六竺。一宮。望風而潰。御年譜、實錄、○武田三代記、皆作明年五月。公徇駿河。取岡部。麥而還。大川志、逸史尋巡視長篠。大川志六月。築砦於社山。江臺寺島。加茂等。以備二股。大川志、逸史、○加茂據平野家譜甲兵侵邊。公巡視。築一屋。城山二寨而還。與平貞能以作手來歸。御年譜七月十九日。公圍長篠。以火箭燒子城。守將菅

沼俊信。正貞等保牙城。公因築熊山。山中二砦。令酒井忠次。督沼定。盈守而還。逸史、譜八月。武田勝賴來寇。攻熊山。以救長篠。公親將兵邀之。甲兵避銳。逸史九月。長篠守俊信及室賀滿正。小泉忠季。吉田爲用等。不能保城。竟奔甲。○或作奔。鳳來寺。勝賴未知長篠陷。遣部下於遠張屯。馬場信春對鳳來寺口。公以爲彼據險。隘不能攻。設伏。聚松葉於營。燔之。詐而退。甲兵以爲焚營。縱騎馳追。伏起掩擊。敵驚走。御年譜。○大三川志。作馬場信春察。有奇計。諫勝賴。不出兵。勝賴退次黑瀨。武田信連。穴山梅雪。一條信龍等。聞長篠不守。將回兵。途與師遇于森鄉。擊

走之。大三川志。○今按。長篠陷。武隱談叢載。作七月。記大成。大。三川志。逸史。並作八月。今從德川記。家忠。日。記。等書。公使與平信昌守長篠城。以長女妻之。女實爲盛德婦人。御年譜。土屋。忠兵衛覺書。十二月。勝賴欲誘鳳來寺近邑鄉民。入參遠二州。公遣渡邊真綱等。搜捕其賊。曾誅之。實錄。大。三川志。又巡視二股。乾。多多羅等。築砦於諏訪原。取兵。大。三川志。二年正月。參遠諸將士至濱松。賀正。翌日。公召諸士。令申樂奏。謠曲。是稱謠初。立爲永式。實錄。尋叙正五位上。御年譜。柳。營譜。畧。二月。公與越後。聘問相尋。三月。越後使者至。告將有事於甲。公乃督師畧甲。侵地在參遠者。以設樂。長篠。險且要樞。命繕其城。大。三

川志、四月。公伐乾。出兵于廟路。屯瑞雲。會霖。食竭。公
逸史、四月。公伐乾。出兵于廟路。屯瑞雲。會霖。食竭。公
曳兵次御倉。大久保忠世。水野忠重殿。城主天野景
實據嶮。追躡。自氣多鄉。迄大窪。麾下死者二十餘人。
忠世。忠重。及神原康政。反騎奮鬪。獲首數十級。以地
利不便。收兵于天方。御年譜、大五月。勝賴攻野田新
城。陷之。菅沼定盈走。大三川志、六月。勝賴圍高天神。城
主小笠原長忠。東遷基業、長忠作氏儀、告急。公乞師于信長。信
長親將赴救。公戒嚴。以待援師至。勝賴聞援師至。攻
城緊急。猶不屈。乃以利誘長忠。長忠降。置戍回師。信
長抵今切渡口。聞城陷。退次吉田。公造謝焉。大成記、大三川

志、實錄、岡碓物語、作至潮見坂、信長曰。甲人屢來。常為捍蔽。使余無
東顧之憂。得專力西畧。實君之貺。聞遠參連年不登。
以給費用。貽以黃金二百銚而去。織田家譜、逸史、

○甲陽軍鑑。作貽黃金三百枚。○創業記。作黃金
一駄。○家忠日記。松榮記事。年譜附尾。皆云。盛黃
金二革袋。令二人舁出之。○大三川志。作二袋。

八月。公城于馬伏塚。使大須賀康高守之。以備高天
神。大三川志、逸史、康高改馬伏塚。名橫須賀。大三川志、九月。勝賴
復來寇。至天龍川。暴雨水漲。不得濟。陣于上流。公出
師數相挑。尋公軍上游。酒井忠次軍下流。欲其半涉

而薄之。勝賴悞而去。御年譜、大三年正月。天野康景
獻吉夢。有克甲之祥。公悅。二十日。召詞人。設聯歌會。
是歲。北伐大有功。以爲佳兆也。竟定爲永式。後世更
以十一日云。實錄、家忠日記、大三年三月。公出獵得井伊氏
孤。是爲直政。後爲股肱名臣。實錄、大三年三月。公出獵得井伊氏
信昌。使松平景忠及家忠。大三年三月。公出獵得井伊氏
志、逸史、三月。信長輸江州鎌羽粟二十苞于公。大三年三月。公出獵得井伊氏
四月。勝賴率兵屯宇理。大三年三月。公出獵得井伊氏
彌四郎。以智巧擢用。爲二十餘邑司稅。貲富驕橫。遂
包藏禍心。與其黨山田重英。倉地半左衛門。半或小平

谷甚左衛門通甲。以請出馬。勝賴大悅。戒期。重英中
悔。入見世子信康。上變。且曰。即不信。匿人於臣臥內。
信康盡得其密議。以報濱松。半左知事覺。將逃。捕斬。
甚左衛門奔甲。乃執彌四郎。悉治黨與。先梟其族。遂
縛彌四郎。加鐵枷。約反具。以徇城下。斷手指。擢足筋。
以竹鋸。徐斷其首。七日而死。勝賴恚。燒掠二連木。牛
窪。公帥師次吉田。信康進戰于姜原。甲師乃去。御年譜、逸
史、五月朔。勝賴帥步騎二萬。圍長篠。奧平信昌等牢
守。勝賴徙陣于八王子山。乃築鷲巢山砦。使武田信
實守之。又列君伏床。久間山姥懷砦。各據險阻。以逼

長篠。使武田信豐屯大道寺山。穴山梅雪屯西川。斷長篠糧道。德川記、大時公將兵五千。猶次吉田。信康次法藏寺。遣小栗重常。乞師于信長。信長憚甲。依違不決。長篠益急。奧平貞能如美濃固請。乃許焉。川大三十五日。公帥兵八千。發濱松。德川記、岡十七日。徙軍于高松山。信康于松尾山。四戰記、聞十八日。信長軍于設樂鄉極樂寺山。信忠于御堂山。接大三川志、作雄邑于御堂山。兵總五萬。分作十五隊。織田家譜、大三萬。分作十是日。勝賴出荒海原布陣。基業、大信長軍議。酒井忠次往進奇策。信長秉之。分兵五千屬之。公

使本多廣孝。松平伊忠。菅沼定盈。奧平貞能兵三千助之。信長與公預議。布柵穿塹。謂公曰。勝賴者卿宿讐也。欲敢取勝則卻有過矣。有過則余雖得志無益也。願今日柔懦如浮屠。莫管軍事。余必使敵如煉雲雀在掌中云。信長與以下、從乃擇銃手三千。使前田利家。佐佐成政將之。佐久間信盛將右軍。羽柴秀吉。瀧川一益將左軍。織田家各陣或見柵塹。謂之。公曰。語云。侮敵者必敗。恐敵者必勝。濃師結柵者。非怖而設之。蓋度必勝矣。甲師將傲士惰。是匹夫之勇。挫之者。莫如設柵也。我亦習之。乃命諸部。設柵塹。太閤將士

或憚甲兵勇武。勢不振。公命賜酒于將士。酒井忠次受命起舞。縱極曲。滿坐爲粲然。公乘機定議。忠勝康政等引三方原以爲證。諫曰。殆危。公曰。往時信玄。今日勝賴。而等莫以爲念。大三川志乃使大久保忠世及忠佐率銃手三百爲前鋒。大三川志下令曰。勿貪首級。可用斬棄。大三川志二十一日黎明。天色蒙暗。不辨咫尺。酒井忠次抵鴛巢。縱火鼓譟而登。武田信實倉黃出戰。奮擊破之。遂獲信實及三牧晴行等。皆兵殲焉。德川戰歿。長篠圍解。忠次與信昌合兵。悉焚列寨。甲師望

記、松平物語

信昌乘機突圍。甲兵潰走。松平伊忠窮追而

烟褫氣。忠佐謂忠世曰。濃賓我主。請戰自我始。忠世曰。善。乃以礮致師。山縣昌景以步騎三千直前迫柵。積銃迸發。繼以射手。發發相續。死傷過半。甲兵猶進。忠世忠佐出在柵外。馳騁督戰。刺擊如蜚。信長登阜望曰。二人臨陣。神出鬼沒。奇哉。問而知之。嘆曰。德川氏養士。我弗及矣。昌景勅餘衆。轉衝濃師。千銃迭發。昌景中丸墜馬。部下志村光家以其首免。武田信綱小幡昌盛與武田信豐相續而進師。與濃師所發弓銃更無虛發。甲左師大三川志潰。馬場信春以右師與真田信綱土屋昌次承之。而前。諸將謂濃師曰。敵

猶銳矣。請悉統齊發。我以短兵乘之。約定布令。士氣倍奮。信春犯濃師。萬丸雷震。霰集。僵尸成丘。迸血成河。信綱。昌次冒進。拔柵三重。皆中丸而死。師衝擊之。右師殲。信泰顧招中軍。佐佐成政言於信長曰。彼中軍槍搖。盍以偏師濟遠軍。信長乃使一益往。徧令諸部。鼓譟繼之。聲振天地。甲師遂散。亂敗績。其良多弊。信春使言於勝賴曰。事不可爲。宜收軍疾走。臣請留死。遂率騎八千健鬪。騎皆死。目送勝賴走而死。師追亡。遂北。薄之於河岸。斬獲凡萬三千。餘衆死於水。勝賴遺章旗。僅與百餘騎免。或詬曰。勝賴畏死乎。捐祖

先章旗。其人顧曰。舊旗敝壞。不可用也。又詬曰。馬場山縣諸舊。亦敝壞。亡用乎。衆皆解頤。御年譜、松平物語、作手。馱峰。巖小屋。鳳來寺等兵皆逃。公使信昌收諸塞。置戍。大三川志、逸史、軍散而信長見公曰。甲爪牙多殫。利家秀吉等勸余乘機入甲。可斷根株矣。雖然。勝賴愛溺佞媚。士民離散必矣。彼喪社稷。不可迴踵。我兵今老矣。還國。徇諸砦。俟彼暴行充溢。伐之。卿亦該取駁治之。兵食不足。則請加焉。公曰。諸屬下亦不爲寡。請辭之。大三川志、乃聚尸。築京觀而還。二十五日。公詣信長營。謝授師。大三川志、實錄。逸史。公至自師。賞信昌。其餘論

功行賞有差。實錄、逸史六月。命構寨於毘沙門。堂島。羽山。蜷原。和田島。以備二股。御年譜、大川志親率師攻二股城。依田信守爲甲守兵。子信蕃出城拒戰。公使大久保忠世當之。轉攻光羽山寨。寨邊險隘。光明寺僧高繼爲鄉導。忠勝。康政先登力戰。守將朝比奈泰方以寨降。御年譜、實錄、大川志使酒井忠次。與平信昌如岐阜拜師。大川志、逸史七月。師進攻諏訪原。八月。守將室賀滿正入道一葉。小泉忠季奔。小山寨潰。御年譜、逸史公欲進攻小山。酒井忠次諫曰。不可。松平康親曰。甲宿將多殲于長篠。勝賴必不出矣。急拔小山。則高天神不

血刃而陷。公曰善。遂攻小山。小原忠國。三浦義敏。大川志、義教等拒戰。大川志、逸史勝賴率師次大井川。九月。公解小山圍而還。敵將追躡。時公傍水而面焉。勢如嚮敵而進。過伊呂碕。而見敵在後。於是信康固請而殿。公壯之。十二月。先是二股城守信守病死。子信蕃代守。忠世使報曰。乘喪急襲。二股可取。乃使康政助之。甲兵不救。信蕃行成。致城而去。御年譜、大川志四年二月。越使者來請曰。發師夾擊甲。公應諾。實錄、大川志三月。勝賴率師寇橫須賀。公親將兵赴救。甲師退。師進軍芝原。勝賴違之一舍而軍。御年譜、大川志欲入糧于高天神。

公聞之。使松平康親守瀧坂。鹽買坂等隘路。而欲戰。
內藤信成大正三川志諫曰。三方之敗在此。乃止。勝賴
亦欲鬪。高坂昌宣止曰。長篠之敗在此。乃歷海濱。而
入高天神城。大成記。大川志。公使松平家忠等將納今川
氏真于駿。令康親居諏訪原。同撫其邑。逸史。○大川志。作六年
十一月。公將攻乾。大須賀康高。寬正重出兵。取樽
山寨。將攻勝坂寨。天野景實或作景貫徼之於朝見坂。嶮
路。師敗。公命忠世率銃手。攀石嶺而連發。景實不耐
而退。據鹿鼻拒備。公乃收兵而還。御年譜。本多氏書上。八月。公
略駿。上杉謙信略飛驒。以應之。大正三川志。逸史。五年正月。謙

信寄書於榊原康政。益固前盟。大正三川志。五月。公徇駿。八
月。勝賴來寇。穴山梅雪次山科。或作山梨。公親將擊梅雪
破之。甲兵又攻樽山。或作樽井。安部元貞固拒卻之。大正三川志。
逸史。十月。勝賴侵遠州。自小山歷大井川而歸。是日。公
在橫須賀。信康至濱松。聞勝賴已去。還岡碕。公亦還
城。御年譜。大正三川志。十二月。叙從四位下。尋任右近衛權少
將。御年譜。譜畧。○大正三川志。右作左。六年正月。公如岡碕。大正三川志。三月。
先是命修築濱松城。頃間以有軍事。止經營。大正三川志。公
親將入駿。攻田中城。守將依田信蕃。大正三川志。一條信龍。作固
拒不利。回抵諏訪原。又攻小山而還。御年譜。大正三川志。五月

公復伐田中。未得志而罷。八月。公略駿。取田中禾。大
川志、遣大須賀康高等擊甲。伐於高天神。忠勝及石
逸史、川康道。左右援之。破敵。康高部下多獲首級。實錄、大
公暨信康攻小山。從駿到遠。自收兵而還。持舟。或作
敵出隘路。石川數正等擊卻之。御年譜、○大三川志
引大成記、不載、攻小山。九月。經諏訪原而還城。又如岡碕。御年譜、十月。勝賴
濟大井川。師軍見附。大三川志、逸史、十一月。甲師軍相良。公
聞之。與信康軍三社。大三川志、御年譜、作馬伏塚、今從逸史、與
勝賴對抗于橫須賀。信康巡視歸。而請戰。公弗許。勝
賴欲戰。高坂昌宣止之。收兵入高天神城。御年譜、大

尋勝賴修築相良城。而入城東郡。公徙營于芝原。而
還。大三川志、十二月。如岡碕。御年譜、七年正月。狩于吉良。御年譜、
業、基三月。勝賴侵師于國安。公暨信康軍于橫須賀。
勝賴涉大井川而去。御年譜、大三川志、四月。甲兵復來。公次
橫須賀。亦不戰而罷。逸史、五月。公抵諏訪原。刈田中禾。
大三川志、八月。公如岡碕。遷世子信康於大濱。而抵西尾。
復如岡碕。御年譜、大三川志、九月。北條氏政與勝賴絕好。而
相次三島沼津。使朝比奈恭勝來請盟。且曰。欲與信
長輯和。支勝賴于豆州。願公出師于駿。斷彼後路。東
西夾擊之。公許諾。送盟書。御年譜、大三川志、乃帥師入駿。使

松平家忠。牧野康成等。攻持舟城。松平康親。士岡田元次。獲守將三浦義統。尾碕重政。獲向井勝政。城陷。勝賴舍相師。旋旗抵川島。會暴雨。富士川水漲。激浪溢岸。勝賴單騎涉水。從兵溺死者二百餘。公聞之。謂彼勢似窮鼠。不當。敗亡莫日矣。數正康高亦諫。康高康親爲殿回。師途取藤枝禾。時日暮。暗黑。不辨咫尺。內藤信成。揭提燈于長秘。馳呼曰。君在此。衆乃止。內藤以下據鶴頭夜話濟大井川。上伊呂瀨。而入伊呂營。甲兵不及而罷。暴雨不霽三日。河岸崩壞。響如雷震。衆眠遽覺。相謂敵到。騷擾。謹呼。忠世巡諸隊。制止。御年譜、家忠日記

十月。公享今川氏真於濱松。御年譜、大川志、三十一月。大川志、三氏政使人來通信於公。約伐武田氏。織田家譜、公軍于橫須賀。勝賴出兵於田中。師抵見附。勝賴引兵而去。御年譜、大川志、三八年正月。公進叙從四位上。御年譜、略尋狩于西尾。而如岡崎。三月。徇高天神。命築砦于大坂山。田中。中村等。芟田中禾而還。御年譜、大川志、三五月。公略駿。取田中麥而還。到八幡山。石川數正爲殿。甲禰將朝比奈氏秀出持舟追躡。數正反擊。酒井重忠。松平康親。牧野康成等繼之。遂大破之。獲甲首三十二級。御年譜、三河物語六月。公次橫須賀。而攻高天神。設鹿鼻等

十三砦。焚_レ郭芟禾而還。御年譜、大七月。公又取_二田中
小山之禾。康親岡田元次諫曰。水潦將降。大井必溢。
勝賴聞_二公出。必且疾來。進退俱險。請蚤收師。公可_レ之。
既濟。果大雨。流漲岸溢。勝賴出師在_レ駿。聞警而馳至。
河不能踰而罷。大三川志、逸史、八月。氏政使人來請曰。勝賴
出師于黃瀨川。願發師于駿。爲我應援。大三川志、十月。公
攻_二高天神。環_二塹柵。置_二戍于須賀橘谷等砦而還。意在
必取。御年譜、高天神記、城守相木昌朝等。乞救于甲。橫田尹
松特不可。而殊呈書於勝賴。大三川志、十二月。公與
信長使者。猪子一忠、福富直次、長谷川秀一、西尾吉次、巡視高天神而還。

御年譜、大三年。九月。正月。公攻高天神。信長使水野忠重
國史實錄、佐佐成正、率尾兵來助。二月。勝賴入伊豆。與氏政
抗衡。知高天神急。不能救焉。逸史、三月。松平物語、公使
諸將及信長援將佐佐成政。編年集成、野野村幸政
圍高天神城。使人諭曰。致城來降。悉從寬宥。不從。滋
固禦。二十二日夜。城兵決死力。襲石川康通軍。亂擊
諸隊。諸隊整伍。夾擊之。敵不能脫。陷崖觸巖。尸積成
堆。昌朝尹松岡部長教等竭力衝擊。大久保忠世邀
擊。長教戰死。昌朝尹松脫走。殘兵格鬪。縱火棄壁。戰
死或走。城終陷。適免者爲內藤管沼兵被殺。乃送護

首七百三十五級于安土。御年譜、高天神記、信長記。光明山。秋葉。多多羅。掛塚等諸寨皆潰。大志、三志。五月。攻朝比奈政貞于藤枝。德川記、大志。六月。軍于見附。御年譜、大志、三志。十月。濱松城修營成。大志、三志。十二月。狩于橫須賀。信長欲出師於甲駿。令西尾吉澤送糧于東條城。十年正月。公如岡崎。御年譜、大志、三志。信長大舉伐甲。適子信忠從木曾入。公以師三萬五千從駿。相約夾擊。德川記、大河志、大志。二月。公發濱松。入牧野城。大志、三志、逸史。小山成棄寨而走。御年譜、大志、三志。十日。分兵攻田中。奪其郭。依田信蕃。三枝虎昌尙堅防禦。大志、三志、逸史。二十二日。師破駿兵于遠目。遠目鞠子

皆潰。二十三日。大志、三志、逸史。進攻持舟。守將朝比奈氏秀。或作氏貞。乞成。而奔久能。大志、三志。穴山梅雪嘗守江尻。通志見公。請爲鄉導。還其邑。御年譜、梅雪、曾根正清、請見係、三月。曾根正清以興因寺而降。織田家譜、逸史。二十七日。久能潰。朝比奈氏秀乞降。御年譜、大河物語、三志。二十八日。公至江尻。逸史、三志。三月朔。依田信蕃致田中城而出。大志、三志、逸史。是日。信忠師拔高遠城。逸史。二日。駿府守護一條信龍棄城而遁。公入駿府。大志、三志。信忠抵諏訪。七日。入古府。織田家譜、逸史、公自駿。長驅入甲。九日。抵萬澤。或作滿坐。綏撫降附。明布恩信。軍令嚴肅。秋毫亡所犯。國人大悅。沿道望風歸歎。遂使

梅雪爲鄉導。從市川而入。德川記、十一月。勝賴父子滅于天目山。實錄、是日。公入古府。川志、因信長命。執一條信龍。或作武田信就。誅之。信長下令。收武田諸族姦臣。悉屠滅。又逐捕士臣處斬。士民失望屏息。公痛念之。竊訪其遺臣依田信蕃。三枝虎昌。或作吉岡部正綱。渡邊守等。掩匿免之。國人倚賴焉。二十日。公會信長于諏訪。信長謝曰。長篠之役。甲冑殲焉。今日成功之易。公貺多矣。見與平信昌曰。亦子之力也。大三川志、逸史、二十三日。信長以駿歸公。實錄、公曰。故侯氏真以一旅從。請割半與之。信長弗聽曰。下駿皆公之力也。今

而有之。誰言不宜。氏真天之所廢。不可與也。遂論功行賞。大三川志、逸史、四月。信長率麾下僅五百騎。觀富士嶽。公命修道里。具舟梁。餉館傳。逸史、十二日。信長抵大宮。公迎之。信長贈吉光短刀。一文字刀。馬三匹。御年十三日。大三川志、作十五日。公歸自師。逸史、十六日。親迎信長饗之。信長大悅。致吉良粟二萬石於公曰。余貯之。以備東伐。今甲旣滅。無復東顧之憂。實係公貺。請以此助將士之賞。乃還。五月十五日。公如安土。穴山梅雪從焉。信長命拓途繕橋。增郵置。設亭舍。使沿路城主館主。縣次供億。令惟任光秀爲司饗。光秀乃帳湖畔。發使

于京畿。市珍羞。購器玩。供具甚盛。信長待公以匹敵。一日享之於城中高雲閣。親饋焉。命梅雪及酒井忠次。石川康通以下重臣御食。令幸若部梅若部萬焉。窮驩而罷。時兵革日久。邦君周旋。絕無國容。故一時傳為盛事。信長謂公曰。京畿方無事。盍輕裝遊觀焉。余亦尋往。御年譜。大二十一日。公如京師。梅雪亦從。信長使長谷川秀一為之鄉導。御年譜。織田軍記。二十八日。公至大坂。織田信孝饗之。二十九日。遂如大坂。御年譜。德川六月二日。公在界浦。遣本多忠勝。使本能寺。至枚方。會京師賈人茶屋晴延。策馬馳來。忠勝與之遇于

枚方。晴延息喘不能言。倒傾笠于後。指京師炎烟。漸而告右府信長遇殺。俱反。未至。公既聞變。乃奮然曰。江師南伐者。未解纜。我且進據飯盛山。合兵以誅逆賊矣。乃投袂而起。行半里許。忠勝反騎而與忠次數正計。進諫曰。眾寡不敵。且賊方得志。未易當。宜歸國以圖後舉。忠次數正皆曰。忠勝之言是也。賊必梗大路。當從間道馳。公從之。行募鄉導。潛甲兼行。晴延散金助之。秀一曰。伊賀人多羅尾光敏我舊識也。其子在宇治。赴諭之。且遣人於交野郡津田。議鄉導。別而赴近江。秀一曰。以下。從大。三。川志。引。多羅尾家傳。大和人十市遠光選壯。

士以從。梅雪性猜忌。至普賢谷告別。使路奔甲。途遇害。公收其邑。而祿其士。德川記、大三日。公抵木津。奪二船而濟。忠勝以稍鱗。撞破其船。以絕後。山岡景隆。景佐。景友。迎于宇治。遂護送焉。本多正信至宇治。迎謁。與景隆等。揣險夷。議間道。又與茶戶上林。大三日。山川口。藤左衛門。募土人。擁衛至信樂。多羅尾光敏。大成而不載。上林。募土人。擁衛至信樂。多羅尾光敏。大成光俊。今從大三川志。常山記。談。迎入。或曰。彼恐黨賊。誘我生變。忠勝曰。然彼倘與賊。則彼殺我寡。彼而有害心。則行與不行。不可免難。從其不行而死。寧行而死乎。乃入而舍。經伊賀路。國人服部正成。柘植清廣等。率其徒護送。

踰鹿伏兔嶺。自神戶到白子。或作四日市。乘漁艇而著大濱。永井直勝迎之。御年譜、落穗集。七日。公至自界浦。道上寇盜充斥。將士致身捍禦。沿路豪族。嚮威信者。往往出兵護衛。故危而歸。即日下令召兵。將誅伐光秀。復本多正信祿秩。實錄、落穗集。會織田信雄發檄乞援。太閤記、十日。公帥師發。十七日。至熱田。實錄、大三日。志、逸史。十九日。得羽柴秀吉捷報。乃班師。太閤記、大三日。志、○接御年譜、不作至熱田。而作至鳴海。二十一日。發鳴海。而回。河尻鎮吉封甲斐。酷暴。民不聊生。及變起。國民作亂。公遣本多信俊。或加三名倉信光。作二人。往甲佐之。國人騰浮



言。鎮吉疑懼。斬信俊。國人因以爲號。殺鎮吉。舉國大亂。公欲遣穴山遺臣。平治之。岡部正綱。曰。願臣與曾根正清赴。復惠林寺。創一寺於勝賴死亡地。以慰其魂。國民悅服。公可之。乃使正綱正清赴。復惠林寺。賜金。建景德院於田野給田。選小宮山友晴弟爲僧。名。俵回。號松者。爲之住持。資諸亡冥福。民大悅。公欲以淵夜話、岡部家譜、使酒井忠次。大須賀康高。岡部正綱等徇甲。本多正信諭。依田信蕃。招納武田氏遺臣。橫田尹松等。降附者千餘人。悉復其食邑。御年譜、大信濃大亂。上杉景勝應之。欲併甲信。北條氏政亦爭。

之。公乃遣大久保忠世。石川康通。本多廣孝。率兵如甲。小笠原信嶺。及小尾祐光。向井忠安等歸降。各賜故邑。或加新地。復之。大三川志、向井家傳、七月。北條氏直將發師于甲。士民荐請師。公親帥師。到田中。修築天神尾等寨。以備相。八日。三州實錄、入甲次精進。或作莊地、民爭供芻糧。國中降附者相望。公竭意綏撫。威信大行。遣諸將分伐信濃。人諏訪賴忠。知久賴元等亦多降。而忠次遣人殊諭賴忠。賴忠先憑忠世送款。於是以爲見誑。乃據城禦備。迄初冬。終來服。誠訪以下從三川志、九日。公抵甲府。御年譜、大二十四日到柏坂檜山。

尋頓軍于古府。大三川志新附諸將士悉來執謁。又分兵守若御子口。大野屋代山等諸險以備相兵。景勝至海津。氏直次于佐久。轉次平澤。大三川志北平記八月。忠次信昌等徇信。聞相大兵至。與忠世康高康通等退會乙骨。遂引還。與相兵遇于梶原。以衆寡不敵。將還新府。相共追尾。畏部伍嚴整。不敢迫。縱矢丸挑戰。一進二退。東道七里間。進退十餘回。公聞其急。遣數正赴援。收兵。氏直進陣。若御子欲襲新府。御年譜編八年公設伏。自將騎數百。軍于麻生原。相兵懼而不出。十日。公移營于新府。使鳥居元忠水野勝成等守古府。

十一日。氏直將回師。公命築砦於向原及若御子口。爲之備。御年譜大十二日。北條氏忠將兵三千入甲次市川。將與氏直夾擊新府。元忠勝成及內藤信成。松平清宗三宅康貞等聞之。率兵二千。大三川志作一千五百擊大破之。氏忠單騎遁。所部散亂。觸巖陷谿。死亡者凡二千六百七十餘人。獲首三百。公命梟之。新府之郊。氏直軍未知敗。見之。褫氣。大三川志遠日記康高康政等與相兵戰于若御子側。屢得利。相軍益懼。公令康高康政廣孝備若御子。大三川志編年集成頃間松平康親大澤基宿小笠原信元等守三枚橋及戶倉砦。與北條氏

規兵戰于黃瀬川。大志三二十日。公抵古府。賞諸將有功。御年譜、家忠日記氏直築砦于豆生田。公親往縱輕兵。刈禾挑之。相兵出戰。迎擊卻之。追躡。遂取其砦。實錄、大志三九月。師與相兵戰。御年譜使依田信蕃諭真田昌幸。昌幸降。大志三十月。令信蕃昌幸設假關於碓氷嶺。絕相軍糧道。御年譜氏直屢戰不利。相持日久。食且竭。氏直乃使氏規。北國太平記、作氏邦行成。請盡輸田之在甲郡。都留信久郡者。以代上野田之田。且求婚。公許之。御年譜、三川物語、實錄
○岩淵夜話云。對陣于若御子。公遣朝比奈彌太郎。賜書於氏規。彌太郎單騎。到大導寺政繁陣頭。

問氏規陣。乃達旨。氏規以報氏政。而和議成。

氏直送大道寺直政。山角政方。或作定方爲質。公令酒井忠女子家次換焉。御年譜、大成記十一月。元忠受命。幽相質子於富士祠官。佐野越後宅。大志三尋氏直踰碓氷入上野。送歸家次。公亦命遣歸質子二人于氏規。三坂城。大志三依田信蕃。柴田康忠受命。徇信濃。前山高棚。小田井等皆降。大志三○按德川記。令諸將分徇甲信。撫循新附。旬月略定。唯河中島四郡上杉氏割有之。逸史十二月。氏政使石卷康昌來。爲氏直納幣。大志三公解嚴。次古府。柴田勝家欲倚公以爲重。志、逸史

以厚幣賀定甲信。御年譜、大或訟依田一族平原宮
內懷異心。乃召泐。宮內察不免。奪他侍童所把刀。進
入。左右皆周章。小幡昌忠執短刀搏之。被傷。永見勝
定延槍鐔突之。昌忠前馘宮內。大三川志引家忠公
務除武田氏苛政。餘且多沿舊法。曰。民安故常。遽擾
之。弗祥也。但有一事不可不疾革。乃急布寬租之令。
民皆歌之。又召甲信新附之士。厚加勞問。令之誓。連
署於載書者八百人。大三川志作七百餘人。會秋葉寺。遂論功
頒賞。悉予故邑。復祿秩。令平岩親吉鎮甲。大久保忠
世撫信。並武而循良。爲政公平。國人畏而愛之。實錄、大三

川、二十一日。公歸自甲。大三川志、逸史、

[Faint, illegible text on the left page, possibly bleed-through or ghosting.]

野史卷五十二終



